

## Matvæla og þjónustudeild

### Ágætu félagar!

Að venju verður á þessum aðalfundi farið yfir það helsta sem gerst hefur á liðnu starfsári. Haldnir hafa verið fjórir stjórnarfundir frá síðasta aðalfundi deildarinnar, sem haldinn var 17. febrúar 2016.

Ýmis mál hafa verið rædd á fundunum, m.a. um starfið framundan, viðhorfs- og launakönnun félagsins, kjaramál, aukið vinnuálag, námskeiðsmál í kjötvinnslum, sjálfboðaliða, starfsmannaleigur og ræstingamál.

Þann 14. desember sl. brast á sjómannaverkfall sem hefur hefur haft mikil áhrif á landverkafólk og enn sér ekki fyrir endan á þessu verkfalli. Alls er á milli 400 til 500 starfsmenn sem vinna í fiskvinnslu á svæðinu og er um helmingur þeirra á atvinnuleysiskrá aðrir eru í vinnu eða á kauptryggingu. Ljóst er að þetta mun hafa gríðarleg áhrif á tekjur þessa fólks og ljóst að minna verður um sumarfrí hjá fólki en áður.

Tryggvi Jóhannsson var á starfsárinu skipaður í starfshóp hjá SGS varðandi endurskoðun á ræstingasamningnum. Búið er að halda nokkra fundi og hefur ýmislegt gengið á í þessari vinnu. Hægt hefur gengið en viðsemjendur eru þó orðin sammála um að það þarf að taka tillit til heilsuspillandi aðstæðna og smithættu.

Á fyrsta fundi stjórnar kom fram hugmynd frá Birnu Harðardóttur um hvort þyrfti ekki að skoða aðstoð og viðhorf til trúnaðarmann almennt. M.a. hvort þeir væru að fá stuðning frá baklandinu og hvort yfirmenn tækju tillit til þeirra vinnu.

Mikil umræða varð um málið hjá stjórninni og var ákveðið að vísa málinu áfram til aðalstjórnar félagsins. Þar var tekin ákvörðun um að fara í fundarherferð með trúnaðarmönnum þar sem þeim væri skipt í hópa og málefni þeirra tekin fyrir. Fjallað var um ýmislegt sem tengdist aðstöðu og viðhorfi til trúnaðarmanna. Alls urðu fundirnir 12 og tókust þeir mjög vel. Niðurstöður fundanna verða kynntar 10. maí nk. á starfsdegi trúnaðarmanna.

Fjölmarginir fundir fóru fram á starfsárinu um allt félagssvæðið. Í janúar voru m.a. haldnir fimm fundir á jafnmörgum stöðum þar sem m.a. voru kynntar fyrirhugaðar breytingar á lögum félagsins.

Menntamálaráðuneytið staðfesti loksins á starfsárinu nýja og breytta námsskrá vegna grunnnámskeiða fiskvinnslufólks, en námskráin var þróuð af Starfsfræðslunefnd fiskvinnslunnar og Fræðslumiðstöð atvinnulífsins. Í haust fór SÍMEY af stað með 4 anna fisktækninám og eru nokkrir félagsmenn í því námi.

Í maí í fyrra hélt félagið námskeiðið "Að starfa í stjórn stéttarfélaga." Guðmundur Hilmarsson, frá Félagsmálaskóla alþýðu, fór þar yfir ýmis hagnýt atriði sem gott er að hafa í huga fyrir stjórnarmenn. Námskeiðið sátu stjórnarmenn í aðalstjórn félagsins og deildarstjórnunum þremur ásamt starfsmönnum stjórnanna. Námskeiðið sem stóð yfir í sex tíma tókst mjög vel, en á því var m.a. farið yfir hlutverk forystu, boðun og stjórnun funda, samskipti og margt fleira.

Í lok október fór fram 42. þing Alþýðusambandsins, á 100 ára afmælisári þess. Þingið, sem bar yfirskriftina Samstaða í 100 ár - sókn til nýrra sigra! stóð yfir í þrjá daga og var haldið á Hilton Reykjavík Nordica. Seturétt á þinginu áttu alls 292

þingfulltrúar, auk þess áttu níu fulltrúar ASÍ-UNG seturétt á þinginu. 115 þingfulltrúar komu frá félögum innan Starfsgreinasambandsins, þar af 11 frá Einingu-Iðju. Félagið átti jafnframt einn fulltrúa sem sat þingið fyrir hönd ASÍ-UNG.

Aðalstjórn félagsins ákvað að framkvæma aftur sambærilega kjara- og viðhorfskönnun og framkvæmd hefur verið ár hvert frá árinu 2011.

Í könnuninni var m.a. spurt út í þjónustu félagsins og er útkoman ánægjuleg fyrir okkur. 60,6% sögðust hafa nýtt sér einhverja þjónustu hjá félaginu undanfarna 12 mánuði. Rúmlega 95,5% merktu við ánægður eða hvorki né er spurt var hversu ánægður eða óánægður ertu með þjónustu Einingar-Iðju þegar á heildina væri litið. Þetta eru ívið betri niðurstöður en síðustu ár.

Í könnuninni voru nokkrar spurningar í sambandi við launaseðilinn, m.a. var spurt hvort viðkomandi skoðaði hann. 11,4% sögðu stundum og 12,7% sögðu sjaldan eða aldrei. Einnig var spurt um hvort viðkomandi skildi launaseðilinn sinn. 81,7% sögðust skilja hann vel en 7,2% ílla. Helst var það yngra fólkið sem skilur hann ílla og eins þeir sem starfa í veitingageiranum.

Niðurstöður könnunarinnar í heild má finna á heimasíðu félagsins.

Frá síðasta aðalfundi hafa verið haldin mörg námskeið, þ.á.m. eru dyravarðanámskeið, trúnaðarmannanámskeið, smurbrauðsnámskeið og konfektnámskeið. Fjölmörg önnur námskeið voru auglýst en ekki tókst að fá lágmarkfjölda á þau.

Ef einhverjir eru með hugmyndir að námskeiðum sem þeir hafa áhuga á, er um að gera að koma því á framfæri við Önnu varaformann félagsins.

Ég vil minna á að félagsmenn geta hvenær sem er haft samband við ráðgjafana í SÍMEY og fengið hjá þeim ókeypis ráðgjöf.

**Stjórn deildarinnar var þannig skipuð fyrir síðasta starfsár:**

Formaður	Margrét H. Marvinsdóttir	MS Akureyri
Varaformaður	Tryggvi Jóhannsson	Þrif og ræstivörur
Ritari	Sigríður Jósepsdóttir	Samherja Dalvík
Meðstjórnendur	Júlíanna Kristjánsdóttir	Securitas
	Stefán Aðalsteinsson	Kjarnafæði
	Anna Guðrún Ásgeirsdóttir	MS Akureyri
	Sólveig Auður Þorsteinsdóttir	Bautinn
	Birna Harðardóttir	Norðlenska
	Steinþór Berg Lúthersson	ÚA Akureyri

**Fyrir næsta starfsár** verða eftirfarandi í stjórn til eins árs:

Varaformaður	Tryggvi Jóhannsson	Þrif og ræstivörur
Meðstjórnendur	Sólveig Auður Þorsteinsdóttir	Bautinn
	Birna Harðardóttir	Norðlenska
	Stefán Aðalsteinsson	Kjarnafæði

Í ár verður kosið til tveggja ára um formann, ritara og þrjá meðstjórnendur.

**Fyrir næsta starfsár gefa eftirtaldir kost á sér í stjórn til tveggja ára.**

Formaður	Tryggvi Jóhannsson	Þrif og ræstivörur
Ritari	Sigríður Jósepsdóttir	Samherja Dalvík
Meðstjórnendur	Anna Guðrún Ásgeirsdóttir	MS-Akureyri
	Birna Þórmundsdóttir	Securitas
	Steinþór Berg Lúthersson	ÚA Akureyri

Sitjandi varaformaður, Tryggvi Jóhannsson, gefur kost á sér í sæti formanns og ef hann verður kosinn í embættið þarf að kjósa um sæti varaformanns til eins ár.

Ég vil minna fólk á að orlofsblaðið kemur út 8. mars nk. Í sumar verður boðið upp á mikið úrval sumarhúsa eins og undanfarin ár.

Áfram verður boðið upp á Viku að eigin vali. Styrkurinn í ár verður kr. 22.000 sem er hækkun um kr. 2.000. Sami fjöldi styrkja verða í boði fyrir félagsmenn og í fyrra, eða 270 styrkir. Sækja þarf um styrkinn eins og orlofshúsin, þ.e. fyrir 1. apríl nk.

Vert er að minna á að skráning stendur yfir í tvær af þremur orlofsferðum sem félagið býður upp á í ár. Skráningar hafa ferð vel af stað og því er ekki eftir neinu að bíða með að skrá sig fyrir þá sem hug hafa á að fara með, því bæði er um að ræða lágmarks- og hámarksfjölda í ferðirnar. Farið verður til Þýskalands og Lúxemborg í byrjun júní og fjallaferðin verður um miðjan ágúst, en þá verður farið í Kverkfjöll, Dreka, Öskju, Holuhraun og Herðubreiðarlindir.

Á skrifstofum félagsins verður áfram boðið upp á útilegu- og veiðikort á niðurgreiddu verði, ásamt gistimiðum á Keahótelin, Fosshótelin og Edduhótelin.

Ég vil minna á heimasíðu félagsinsm, [www.ein.is](http://www.ein.is), þar sem má m.a. nálgast gagnlegar upplýsingar um félagið, kjaramál, fræðslumál og réttindi launafólks. Síðan er vel virk og vel sótt af félagsmönnum og öðrum. Hægt er að skrá sig á póstlista á síðunni og fá þannig nýjustu fréttir sem á hana koma beint í æð.

Nýlega stofnaði félagið síðu á Facebook svo þið megið alveg endilega gefa okkur eins og eitt like á þá síðu og svo er um að gera að deila henni svo fleiri félagsmenn viti af henni.

Ég minni líka á félagavefinn okkar, sem veitir félagsmönnum möguleika á að skoða iðgjaldasögu sína, punktastöðu og punktasögu, greiðslusögu vegna bóta og styrkja ásamt úthlutunarsögu vegna orlofshúsa. Einnig er þar hægt að skoða upplýsingar um stöðu orlofshúsa, sækja um, bóka og greiða fyrir orlofshús með greiðslukorti.

Þar sem þetta er minn síðasti fundur sem formaður deildarinnar vil ég nota tækifærið og þakka öllum þeim sem ég hef starfað með á liðnum árum fyrir ánægjulegt samstarf og viðkyrningu, sérstaklega öðrum stjórnarmönnum deildarinnar og starfsmönnum Einingar-Iðju.

Sérstaklega þakka ég Júlíönu Kristjánsdóttur, sem nú lætur af stjórnarstörfum, og Önnu Júlíusdóttur, starfsmanni deildarinnar, fyrir gott samstarf á undanförunum árum.

Ég óska að lokum verðandi formanni velfarnaðar í störfum sínum sem og Matvæla- og þjónustudeild og óska nýjum stjórnarmönnum góðs í gengis á þessum nýja vettvangi.